



10392

稼軒詞卷第三

新荷葉

和趙德莊韻

人已歸來杜鵑欲勸誰歸綠樹如雲等閒付與鶯飛
免葵燕麥問劉郎幾度沾衣翠屏幽夢覺來水繞山
圍有酒重攜小園隨意芳菲往日繁華而今物是
人非春風半面記當年初識崔徽南雲雁少錦書無
箇因依

又再和前韻

春色如愁行雲帶雨纔歸春意長閒游絲盡日低飛
閒愁幾許更晚風特地吹衣小窗人靜棋聲似解重
圍光景難攜任他鷓鴣芳菲細數前愆不應詩酒
稼軒詞卷三

皆非知音絃斷笑淵明空撫餘徽停杯對影待邀明
月相依

又再題傅巖叟悠然閣

種豆南山零落一頃為萁歲晚淵明也吟草盛苗稀
風流剗地向尊前采菊題詩悠然忽見此山正繞東
籬千載襟期高情想像當時小閣橫空朝來翠撲
人衣是中真趣問騁懷遊目誰知無心出岫白雲一
片孤飛

又趙茂嘉趙晉臣和韻見約初秋訪悠然再用韻

物盛還衰眼看春葉秋其貴賤交情翟公門外人稀
酒酣耳熱又何須幽憤裁詩茂林脩竹小園曲徑疎



籬 秋以爲期西風黃菊開時拄杖敲門任他顛倒
裳衣去年堪笑醉題詩醒後方知而今東望心隨去
鳥先飛

又上巳日吳子似謂
古今無此詞索賦

曲水流觴賞心樂事良辰蘭蕙光風轉頭天氣還新
明眸皓齒看江頭有女如雲折花歸去綺羅陌上芳
塵 能幾多春試聽啼鳥殷勤對景興懷向來愛樂
紛紛且題醉墨似蘭亭別敘時人後之覽者又將有
感斯文

御街行

無題

闌干四面山無數供望眼朝與暮好風吹雨過山來

稼軒詞卷三

二

吹盡一簾煩暑紗廚如霧簟紋如水別有生涼處
冰肌不受鉛華汗更旒旒眞香聚臨風一曲最妖嬈
唱得行雲且住藕花都放木犀開後待與乘鸞去

又山中間盛復
之提幹行期

山城甲子冥冥雨門外青泥路杜鵑只是等閑啼莫
被他催歸去垂楊不語行人去後也會風前絮 情
知夢裏尋鷓鴣玉殿追班處怕君不飲太愁生不是
苦留君住白頭笑我年年送客自歎春江渡

祝英臺近

晚春

寶釵分桃葉渡煙柳暗南浦怕上層樓十日九風雨
斷腸點點飛紅都無人管更誰勸流鶯聲住 鬢邊

覩試把花卜歸期才簪又重數羅帳燈昏啞咽夢中語是他春帶愁來春歸何處卻不解帶將愁去

又

與客飲鄴泉客以泉聲喧靜爲問余醉未及答或者以蟬噪林逾靜代對意甚美矣翌日爲此賦詞以褒之

水縱橫山遠近拄杖占千頃老眼羞明水底看山影
試教水動山搖吾生堪笑似此箇青山無定 一瓢
飲人間翁愛飛泉來尋箇中靜繞屋聲喧怎做靜中
鏡我眼君且歸休維摩方丈待天女散花時問

婆羅門引

別杜叔高叔高長於楚詞

落花時節杜鵑聲裏送君歸未消文字湘纍只怕蛟
龍雲雨後會渺難期更何人念我老大傷悲 已而

稼軒詞卷三

三

已而算此意只君知記取岐亭買酒雲洞題詩爭如
不見纔相見便有別離時千里月兩地相思

又

用韻別郭逢道

綠陰啼鳥陽關未徹早催歸歌珠悽斷纍纍回首海
山何處千里共襟期歎高山流水絃斷堪悲 中心
悵而似風雨落花知更擬停雲君去細和陶詩見君
何日待瓊林宴罷醉歸時人爭看寶馬來思

又

用韻答傅先之時傅先之宰龍泉歸

龍泉佳處種花滿縣郤東歸腰間玉若金纍須信功
名富貴長與少年期恨高山流水古調今悲 臥龍
暫而算天上有人知最好五十學易三百篇詩男兒

事業看一日須有致君時端的了休便尋思

又用韻答趙晉臣數文

不堪鷓鴣早教百草放春歸江頭愁殺吾纍卻覺君
侯雅句千載共心期便留春甚樂樂了須悲瓊而
素而被花惱只鶯知正要千鍾角酒五字裁詩江東
日暮道繡斧人去未多時還要玉殿論思

又趙晉臣數文張燈甚盛索賦偶憶舊游未章因及之

落星萬點一天寶燭下層霄人間疊作僊鼉取愛金
蓮側畔紅粉裊花梢更鳴鼉擊鼓噴玉吹簫曲江
畫橋記花月可憐宵想見閒愁未了宿酒纔消東風
搖蕩似楊柳十五女兒腰人共柳那箇無聊

稼軒詞卷三

四

千年調開山徑得石壁因名曰蒼壁事出望外意天之所賜邪喜而賦

左手把青霓右手挾明月吾使豐隆前導叫開閭闔
周遊上下徑入寥天一覽玄圃萬斛泉千丈石鈞
天廣樂燕我瑤之席帝飲予觴甚樂賜汝蒼壁璘珣
突兀正在一邱壑余馬懷僕夫悲下恍惚

又蘇庵小閣名曰危言作此詞以嘲之

危酒向人時和氣先傾倒最要然那可萬事稱好
滑稽坐上更對鴟夷笑寒與熱總隨人甘國老少
年使酒出口人嫌拘此箇和合道理近日方曉學人
言語未會十分巧看他門得人憐秦吉了

粉蝶兒和趙晉臣數文賦落梅

昨日春如十三女兒學繡一枝枝不教花瘦甚無情
便下得雨偃風憇向園林鋪作地衣紅縐而今春
似輕薄蕩子難久記前時送春歸後把春波都釀作
一江醕酌約清愁楊柳岸邊相候

千秋歲

金陵壽史帥致
道時有版築役

塞垣秋草又報平安好尊俎上英雄表金湯生氣象
珠玉霏譚笑春近也春花得似人難老莫惜金尊
倒鳳詔看看看到留不住江東小從容帷幄裏整頓乾
坤了千百歲從今盡是中書考

江神子

和人
韻

賸雲殘日弄陰晴晚山明小溪橫枝上綿蠻休作斷
稼軒詞卷三 五

腸聲但是青山山下路青到處總堪行當年綵筆
賦蕪城憶平生若爲情試把靈槎歸路問君平花底
夜深寒較甚須拚卻玉山傾

又

梨花著雨晚來晴月隴明淚縱橫繡閣香濃深鎖鳳
簫聲未必人知春意思還獨自繞花行酒兵昨夜
壓愁城太狂生轉關情寫盡胸中磈磊未全平卻與
平章珠玉價看醉裏錦囊傾

又

和陳仁
和韻

玉簫聲遠憶驂鸞幾悲歡帶羅寬且對花前痛飲莫
留殘歸去小窗明月在雲一縷玉千竿吳霜應點

鬢雲斑綺窗閒夢連環說與東風歸興有無間芳草
姑蘇臺下路和淚看小屏山

又

寶釵飛鳳鬢驚鸞望重歡水雲寬腸斷新來翠被粉
香殘待得來時春盡也梅結子筍成竿 湘筠簾捲
淚痕斑珮聲閒玉垂環箇裏柔溫容我老其間卻笑
平生三羽箭何日去定天山

又

和人韻

梅梅柳柳闌纖穠亂山中爲誰容試著春衫依舊怯
東風何處踏青人未去呼女伴認驕驄 兒家門戶
幾重重記相逢畫樓東明日重來風雨暗殘紅可惜

稼軒詞卷三

六

行雲春不管裙帶褪鬢雲鬆

又

博山道中書王氏壁

一川松竹任橫斜有人家被雲遮雪後疎梅時見兩
三花比著桃源溪上路風景好不爭些 旗亭有酒
徑須賒晚寒咱怎禁他醉裏匆匆歸騎自隨車白髮
蒼顏吾老矣只此地是生涯

又

聞蟬蛙戲作

簞鋪湘竹帳籠紗醉眠些夢天涯一枕驚回水底沸
鳴蛙借問喧天成鼓吹良自苦爲官耶 心空喧靜
不爭多病維摩意云何掃地燒香且看散天花斜日
綠陰枝上噪還又問是蟬麼

又送元濟之
歸豫章

亂雲擾擾水潺潺笑溪山幾時間更覺桃源人去隔
仙凡桃源乃王氏酒壚與濟之送別處萬壑千巖樓外雪瓊作樹玉

爲闌倦遊回首且加餐短篷寒畫圖間見說嬌顰
擁髻待君看二月東湖湖上路官柳嫩野梅殘

又賦梅寄
余叔良

暗香橫路雪垂垂晚風吹曉風吹花意爭春先出歲
寒枝畢竟一年春事了緣太早卻成遲未應全是
雪霜姿欲開時未開時粉面朱唇一點胭脂醉裏
謗花花莫恨渾冷澹有誰知

又別吳子似未
寄潘德久

稼軒詞卷三

七

看君人物漢西都過吾廬笑談初便說公卿元自要
通儒一自梅花開了後長怕說賦歸歟而今別恨
滿江湖怎消除算何如杖屨當時聞早放教疎今代
故交新貴後渾不寄數行書

又侍者請先生
賦詞自壽

兩輪屋角走如梭大忙些怎禁他擬倩何人天上勸
羲娥何似從容來左右傾美酒聽高歌人生今古
不消磨積斂多似塵沙未必堅牢剗地實堪嗟莫道
長生學不得學得後待如何

又和李能伯韻
呈趙晉臣

五雲高處望西清玉階升棣華榮築屋溪頭樓觀畫

難成長夜笙歌還起問誰放月又西沈 家傳鴻寶
舊知名看長生奉嚴宸且把風流水北畫耆英咫尺
西風詩酒社石鼎句要彌明

青玉案

元夕

東風夜放花千樹更吹落星如雨寶馬雕車香滿路
鳳簫聲動玉壺光轉一夜魚龍舞 蛾兒雪柳黃金
縷笑語盈盈暗香去眾裏尋它千百度驀然迴首那
人卻在燈火闌珊處

感皇恩

滁州壽
范倅

春事到清明十分花柳喚得笙歌勸君酒酒如春好
春色年年依舊青春元不老君知否 席上看君竹

稼軒詞卷三

八

清松瘦待與青春鬪長久三山歸路明日天香襟袖
更持金盞起爲君壽

又

七千古來稀人人都道不是陰功怎生到松姿雖瘦
偏奈雪寒霜曉看君雙鬢底青青好 樓雪初晴庭
闌嬉笑一醉何妨玉壺倒從今康健不用靈丹仙草
更看一百歲人難老

又

慶嫡母王
恭人七十

七千古來稀未爲希有須是榮華更長久滿牀靴笏
羅列兒孫新婦精神渾似箇西王母 遙想畫堂兩
行紅袖妙舞清歌擁前後大男小女逐箇出來爲壽

一箇一百歲一杯酒

又

讀莊子聞朱晦庵卽世

案上數編書非莊卽老會說忘言始知道萬言千句
不自能忘堪笑今朝梅雨霽青天好 一壑一邱輕
衫短帽白髮多時故人少子雲何在應有玄經遺草
江河流日夜何時了

又

壽錫山陳丞及之

富貴不須論公應自有且把新詞祝公壽當年仙桂
父子同攀希有人言金殿上他年久 冠冕在前周
公拜手同日催班魯公後此時人羨綠鬢朱顏依舊
親朋來賀喜休辭酒

稼軒詞卷三

九

行香子

三山作

好雨當春要趁歸耕況而今已是清明小窗坐地側
聽簷聲恨夜來風夜來月夜來雲 花絮飄零鶯燕
丁寧怕妨儂湖上閒行大心肯後費甚心情放霎時
陰霎時雨霎時晴

又

山居客至

白露園蔬碧水溪魚笑先生釣罷還鋤小窗高臥風
展殘書看北山移盤谷序朝川圖 白飯青莧赤腳
長鬚客來時酒盡重沽聽風聽雨吾愛吾廬歎苦無
心剛自瘦此君疎

又

博山戲呈趙昌甫韓仲止

少日嘗聞富不如貧貴不如賤者長存由來至樂總
屬閒人且飲瓢泉弄秋水看停雲 歲晚情親老語
彌真記前時勸我殷勤都休殢酒也莫論文把相牛
經種魚法教兒孫

又雲巖

道中

雲岫如簪野漲按藍向春闌綠醒紅酣青裙縞袂兩
兩三三把麪生禪玉版局一時參 拄杖彎環過眼
嵌巖岸輕烏白髮鬢鬢他年來種萬桂千杉聽小綿
蠻新格磔舊呢喃

一翦梅

游蔣山呈
葉丞相

獨立蒼茫醉不歸日暮天寒歸去來今探梅踏雪幾

稼軒詞卷三

十一

何時今我來思楊柳依依 白石崗頭曲岸西一片

閒愁芳草萋萋多情山鳥不須啼桃李無言下自成
蹊

又中秋

無月

憶對中秋月桂叢花在杯中月在杯中今宵樓上一
尊同雲溼紗窗雨溼紗窗 渾欲乘風問化工路也
難通信也難通滿堂惟有燭花紅杯且從容歌且從
容

踏沙行

庚戌中秋後二夕
帶湖篆岡小酌

夜月樓臺秋香院宇笑吟吟地人來去是誰秋到便
淒涼當年宋玉悲如許 隨分杯盤等閒歌舞問他

有甚堪悲處思量卻也有悲時重陽節近多風雨

又賦木

弄影闌干吹香巖谷枝枝點點黃金粟未堪收拾付
薰爐窗前且把離騷讀 奴僕葵花兒曹金菊一枝
風露清涼足旁邊只欠箇姮娥分明身在蟾宮宿

又賦稼軒

集經句

進退存亡行藏用舍小人請學樊須稼衡門之下可
棲遲日之夕矣牛羊下 去衛靈公遭桓司馬東西
南北之人也長沮桀溺耦而耕丘何爲是栖栖者

又和趙國興

知錄韻

吾道悠悠憂心悄悄最無聊處秋光到西風林外有

稼軒詞卷三

十一

啼鴉斜陽山下多衰草 長憶商山當年四老塵埃
也走咸陽道爲誰書到便幡然至今此意無人曉

定風波

暮春漫興

少日春懷似酒濃插花走馬醉千鍾老去逢春如病
酒唯有茶甌香篆小簾籠 捲盡殘花風未定休恨
花開元自要春風試問春歸誰得見飛燕來時相遇
夕陽中

又大醉歸自葛園家人有

痛飲之戒故書于壁

昨夜山翁倒載歸兒童應笑醉如泥試與扶頭渾未
醒休問夢魂猶在葛家溪 欲覓醉鄉今古路知處
溫柔東畔白雲西起向綠窗高處看題徧劉伶元自

有賢妻

又用藥名招婺源馬善醫
仲游雨巖馬善醫

山路風來草木香
雨餘涼意到胡牀
泉石膏肓已甚多
病隄防風月費篇章
孤負尋常山間醉
獨自應知楊子草
玄忙湖海早知身
汗漫誰伴只甘松竹
共淒涼

又藥名

仄月高寒水石鄉
倚空青碧對禪房
白髮自憐心似鐵
風月史君仔細與平章
平昔生涯筇竹杖
來往卻慚沙鳥笑
人忙便好賸留黃
卷句誰賦銀鈎小草
晚天涼

稼軒詞卷二

十三

又施樞密聖
與席上賦

春到蓬壺特地晴
神仙隊裏相公行
翠玉相挨呼小子
須記笑簪花底是飛瓊
總是傾城來一處
誰妬誰攜歌舞到園亭
柳妬腰肢花妬豔
聽著流鶯直是妬歌聲

又席上送范先
之游建鄴

聽我尊前醉後歌
人生無奈別離何
但使情親千里近
須信無情對面是山河
寄語石頭城下水
居士而今渾不怕
風波借使未成鷗
鷺伴經慣也應學得老漁叢

又三山送盧國華提
刑約上元重來

少日猶堪話別離老來怕作送行詩極目南雲無雁
過君看梅花也解寄相思無限江山行未了父母
不須和淚看旌旗後會丁寧何日是須記春風十里
放燈時

又用韻時國華置
酒歌舞甚盛

莫望中州歎黍離元和盛德要君詩老去不堪誰似
我歸臥青山活計費尋思誰築詩壇高十丈直上
看君斬將更舉旗歌舞正濃還有語記取鬚髯不似
少年時

又自和

金印纍纍佩陸離河梁更賦斷腸詩莫擁旌旗眞箇

稼軒詞卷三

十三

去何處玉堂元自要論思且約風流三學士同醉

春風看試幾槍旗從此酒酣明月夜耳熱那邊應是
說儂時

又賦杜鵑花

百紫千紅過了春杜鵑聲苦不堪聞卻解啼教春小
住風雨空山招得海棠魂恰似蜀宮當日女無數
猩猩血染赭羅巾畢竟花開誰作主記取大都花屬
惜花人

又再用韻和趙晉臣敷文

野草閒花不當春杜鵑卻是舊知聞漫道不如歸去
住梅雨石榴花又是離魂前殿羣臣深殿女赭袍

一點萬紅巾莫問興亡今幾許聽取花前毛羽已羞人

破陣子

爲范南伯壽時南伯爲張南軒拜宰盧溪南伯遲遲未行因作此以勉之

擲地劉郎玉斗挂帆西子扁舟千古風流今在此萬里功名莫放休君王三百州 燕雀豈知鴻鵠貂蟬元出兜鍪卻笑盧溪如斗大肯把牛刀試手不壽君雙玉甌

又

爲陳同甫賦壯詩以寄之

醉裏挑燈看劍夢回吹角連營八百里分麾下餉五十絃翻塞外聲沙場秋點兵 馬作的盧飛快弓如霹靂弦驚了卻君王天下事贏得生前身後名可憐

稼軒詞卷三

十四

白髮生

又贈行

少日春風滿眼而今秋葉辭柯便好消磨心下事也憶尋常醉後歌新來白髮多 明日扶頭顛倒倩誰伴舞婆娑我定思君持瘦損君不思兮可奈何天寒將息呵

又

趙晉臣數文幼女縣主覓詞

菩薩叢中惠眼碩人詩裏娥眉天上人間眞福相畫就描成好鬢兒行時嬌更遲 勸酒偏多最劣笑時猶有些痴更著十年君看取兩國夫人更是誰殷勤秋水詞

又峽石道中有懷
吳子似縣尉

宿麥畦中雉雊桑葉陌上蠶生騎火須防花月暗玉
唾長攜綵筆行隔牆人笑聲莫說弓刀事業依然

詩酒功名千載途中今古事萬石溪頭長短亭小塘
風浪平時修圖經集亭墩
途中之途當作圖

臨江仙梅探

老去惜花心已懶愛梅猶繞江村一枝先破玉溪春
更無花態度全是雪精神曠向青山餐秀色爲渠
著句清新竹根流水帶溪雲醉中渾不記歸路月黃
昏

又醉宿崇福寺寄祐之
弟祐之以僕先歸

稼軒詞卷三

十五

莫向空山吹玉笛壯懷酒醒心驚四更霜月太寒生
被翻紅錦浪酒滿玉壺水小陸未須臨水笑山林
我輩鍾情今宵依舊醉中行試尋殘菊處中路候淵
明

又再用韻送祐之弟歸浮梁

鍾鼎山林都是夢人間寵辱休驚只消閒處過平生
酒杯秋吸露詩句夜裁冰記取小窗風雨夜對牀
燈火多情問誰千里伴君行曉山眉樣翠秋水鏡般
明

又

小靨人憐都惡瘦曲眉天與長顰沈思歡事惜腰身

枕添離別淚粉落卻深句
翠袖盈盈渾力薄玉笙
嫋嫋愁新夕陽依舊倚窗塵
葉紅苔鬱碧深院斷無人

又

逗曉鶯啼聲昵昵掩關高樹
冥冥小渠春浪細無聲
井窗聽夜雨出蘇轆轤青
碧碧旋荒金谷路烏絲
重記蘭亭彊扶殘醉繞雲屏
一枝風露溼花重入疎櫺

又卽席和韓南澗韻

風雨催春寒食近平原一片
丹青溪頭喚渡柳邊行
花飛蝴蝶亂柔嫩野蠶生
綠野先生聞袖手卻尋

稼軒詞卷二

六

詩酒功名未知明日定陰晴
今宵成獨醉卻笑眾人醒

又爲岳母壽

住世都知菩薩行仙家風骨
精神壽如山岳福如雲
金花湯沐誥竹馬綺羅裙
更願昇平添喜事大家
禱祝殷勤明年此地慶佳辰
一杯千歲酒重拜太夫人

又和信守王道夫韻謝以爲壽時僕作閩憲

記取年年爲客夜只今明月
相隨莫教絃管便生衣
引壺觴自酌須富貴何時
入手清風詞更好細書
白璽烏絲海山問我幾時歸
棗瓜如可啖直欲覓安

期

又

春色饒君白髮了不妨倚綠偎紅翠鬢催喚出房櫳
垂肩金縷窄醮甲寶杯濃 睡起鴛鴦飛燕子門前
沙暖泥融畫樓人把玉西東舞低花外月唱徹柳邊
風

又

金谷無煙宮樹綠嫩寒生怕春風博山微透暖薰籠
小樓春色裏幽夢雨聲中 別浦鯉魚何日到錦書
封恨重重海棠花下去年逢也應隨分瘦忍淚覓殘
紅

稼軒詞卷三

七

又戲爲期思
詹老詩

手種門前烏柏樹而今千尺蒼蒼田園只是舊耕桑
杯盤風月夜簫鼓子孫忙 七十五年無事客不妨
兩鬢如霜綠窗剗地調紅妝更從今日醉三萬六千
場

又

手撚黃花無意緒等閒行盡回廊捲簾芳桂散餘香
枯荷難睡鴨疎雨暗添塘 憶得舊時攜手處如今
水遠天長羅巾浥淚別殘妝舊歡新夢裏閒處卻思
量

又和葉仲洽
賦羊桃

憶醉三山芳樹下幾曾風韻忘懷黃金顏色五花開
味如盧橘熟貴似荔枝來 聞道商山餘四老橘中
自釀秋醅試呼名品細推排重重香肺腑偏滯聖賢
杯

又

冷雁寒雲渠有恨春風自滿余懷更教無日不花開
未須愁菊盡相次有梅來 □□□□□□□□□□
□□□□□□□□多要安排不須連日醉且進兩三
杯

又侍者阿錢將行
賦錢字以贈之

一自酒情詩興懶舞裙歌扇闌珊好天良夜月團團
稼軒詞卷三 大

杜陵真好事留得一錢看 歲晚人欺程不識怎教
阿堵留連楊花榆筴雪漫天從今花影下只看綠苔
圓

又諸葛元亮席上
見和再用韻

夜雨南堂新瓦響三更急雨珊珊交情莫作碎沙團
死生貧富際試向此中看 記取他年耆舊傳與君
名字牽連清風一枕晚涼天覺來還自笑此夢倩誰
圓

又壬戌歲生日書懷

六十三年無限事從頭悔恨難追已知六十二年非
只應今日是後日又尋思 少是多非惟有酒何須

過後方知從今休似去年時病中留客飲醉裏和人
詩

又再用圓
字韻

窄樣金杯休教了房櫳試聽珊珊莫教秋扇雪團團
古今悲笑事長付後人看 記取桔槔春雨後短畦
菊艾相連拙於人處巧於天君看流水地難得正方
圓

又戲爲山園
蒼壁解嘲

莫笑吾家蒼壁小稜層勢欲摩空相知惟有主人翁
有心雄泰華無意巧玲瓏 天作高山難得料解嘲
試倩楊雄君看當日仲尼窮從人賢子貢自欲學周

稼軒詞卷二

九

公

又簪花屢
墮戲作

鼓子花開春爛熳荒園無限思量今朝拄杖過西鄉
急呼桃葉渡爲看牡丹忙 不管昨宵風雨橫依然
紅紫成行白頭陪奉少年場一枝簪不住推道帽簷
長

又

醉帽吟鞭花不住卻招花共商量人生何必醉爲鄉
從教斟酒淺休更和詩忙 一斗百篇風月地饒他
老子當行從今三萬六千場青青頭上髮還作柳絲
長

又昨日得家報牡丹漸開連日少雨多晴當年
未有僕留龍安蕭寺諸君亦不果來豈牡丹
留不住爲恨耶因取
來韻爲牡丹一語

祗恐牡丹留不住與君約束分明未開微雨半開晴
要花開定準又更與花盟 魏紫朝來將進酒玉盤
盃樣先呈鞞紅似向舞腰橫風流人不見錦繡夜間
行

又

老去渾身無著處天教只住山林百年光景百年心
更歡須歎息無病也呻吟 試向浮瓜沈李處清風
散髮披襟莫嫌淺後更頻斟要他詩句好須是酒杯
深

稼軒詞卷三

三

又停雲
偶作

偶向停雲堂上坐曉猿夜鶴驚猜主人何事太塵埃
低頭還說向被召又重來 多謝北山山下老殷勤
一語佳哉借君竹杖與芒鞋徑須從此去深入白雲
堆

蝶戀花 和趙景明
知縣韻

老去怕尋年少伴畫棟朱簾風月無人管公子看花
朱碧亂新詞攪斷相思怨 涼夜愁腸千百轉一雁
西風錦字何時遣畢竟啼鳥才思短喚回曉夢天涯
遠

又 和楊濟翁韻首句
用邱宗卿書中語

檢點笙歌多釀酒蝴蝶西園暖日明花柳醉倒東風
眠晝錦覺來小院重攜手可惜春殘風又雨收拾
情懷間把詩僂僂楊柳人見離別後腰肢近日和他
瘦

又和楊濟翁韻饒范
南伯知縣歸京口

淚眼送君傾似雨不折垂楊只倩愁隨去有底風光
留不住煙波萬頃春江艣老馬臨流癡不渡應惜
障泥忘了尋春路身在稼軒安穩處書來不用多行
數

又席上贈楊
濟翁侍兒

小少年華才月半羅幕春風幸自無人見剛道羞郎

稼軒詞卷三

三

低粉面傍人瞥見回嬌盼昨夜西池陪女伴柳困
花慵見說歸來晚勸客持觴渾未慣未歌先覺花頭
顫

又用趙文鼎提舉送李正
之提刑韻送鄭元英

莫向樓頭聽漏點說與行人默默情千萬總是離愁
無近遠人間兒女空悲怨錦繡心胸冰雪面舊日
詩名曾道空梁燕傾蓋未償平日願一杯早唱陽關
勸

又客有燕語鶯啼人乍
遠之句用爲首句

燕語鶯啼人乍遠卻恨西園依舊鶯和燕笑語十分
愁一半翠園特地春光暖只道書來無過雁不道

柔腸近日無腸斷，玉莫搖湘淚。點怕君喚作秋風扇。

又送祐之弟

衰草斜陽三萬頃，不算飄零。天外孤鴻影幾許。淒涼須痛飲。行人自向江頭醒。會少離多看兩鬢。萬縷千絲。何況新來病。不是離愁難整頓。被他引惹其他恨。

又元日立春

誰向椒盤簪綠勝。整整韶華。爭上春風鬢。往日不堪重記省。爲花常把新春恨。春未來時先借問。晚恨開遲。早又飄零近。今歲花期消息定。只愁風雨無憑準。

稼軒詞卷三

三

準

又月下醉書雨巖石浪

九畹芳菲蘭佩好。空谷無人。自怨蛾眉巧。寶瑟泠泠千古調。朱絲絃斷知音少。冉冉年華吾自老。水滿汀洲。何處尋芳草。喚起湘纍歌未了。石龍舞罷松風曉。

又用前韻送人行

意態憨生元自好。學畫鴉兒。舊日偏他巧。蜂蝶不禁花引調。西園人去春風少。春色無情秋又老。誰管閒愁。千里青青草。今夜情簷黃菊了。斷腸明日霜天曉。

又

洗盡機心隨法喜看取尊前秋思如春意誰與先生
寬髮齒醉時惟有歌而已 歲月何須溪上記千古
黃花自有淵明比高臥石龍呼不起微風不動天如
醉

又

何物能令公怒喜山要人來人要山無意恰似哀箏
絃下齒千情萬意無時已 自要溪堂韓作記今代
雲梯好語花難比老眼狂花空亂處銀鉤未見心先
醉

小重山

席上和人韻送
季子丞提幹

稼軒詞卷二

三

旋製離歌唱未成陽關先畫出柳邊亭中年懷抱管
絃聲難忘處風月此時情 夜雨共誰聽儘教清夢
去兩三程商量詩價重連城相如老漢殿舊知名

又

三山與客
泛西湖

綠漲連雲翠拂空十分風月處著衰翁垂楊影斷岸
西東君恩重教且種芙蓉 十里水晶宮有時騎馬
去笑兒童殷勤卻謝打頭風船兒住且醉浪花中

又

茉莉

倩得薰風染綠衣國香收不起透冰肌畧開些箇未
多時窗兒外卻早被人知 越惜越嬌癡一枝雲鬢
上那人宜莫將他去比茶蘼分明是他更韻些兒

南鄉子

隔戶語春鶯纔掛簾兒斂袂行漸見凌波羅襪步盈
盈隨笑隨顰百媚生 著意聽新聲盡是司空自敘
成今夜酒腸難道窄多情莫放紗籠蠟炬明

又舟中
記夢

欹枕艣聲邊貪聽呬啞聒醉眠夢裏笙歌花底去依
然翠袖盈盈在眼前 別後兩眉尖欲說還休夢已
闌只記埋冤前夜月相看不管人愁獨自圓

又慶前岡周
氏旌表

無處著風光天上飛來詔十行父老歡呼童穉舞前
岡千載周家孝義鄉 草木盡芬芳更覺溪頭水也

稼軒詞卷三

三

香我道烏頭門側畔諸郎準備他年畫錦堂

又送趙國宜赴
高安戶曹

日日老萊衣更解風流蠟鳳嬉膝上放教文度去須
知要使人看玉樹枝 剩記乃翁詩綠水紅蓮覓舊
題歸騎春衫花滿路相期來歲流觴曲水時

又登京口北
固亭有懷

何處望神州滿眼風光北固樓千古興亡多少事悠
悠不盡長江滾滾流 年少萬兜鍪坐斷東南戰未
休天下英雄誰敵手曹劉生子當如孫仲謀

鷓鴣天
離豫章別司
馬漢章大監

聚散匆匆不偶然三年歷徧楚山川但將痛飲酬風

月莫放離歌入管絃
縈綠帶點青錢東湖春水碧
連天明朝放我東歸去
後夜相思月滿船

又和張子
志提舉

別後妝成白髮新
空教兒女笑陳人
醉尋夜雨旗亭酒
夢斷東風輦路塵
騎駉駉荷青雲
看公冠佩玉階春
忠言句句唐虞際
便是人間要路津

又

尊俎風流有幾人
當年未遇己心親
金陵種柳歡娛地
庾嶺逢梅寂寞濱
尊似海筆如神
故人南北一般春
玉人好把新妝樣
淡畫眉兒淺注脣

又代人
賦

稼軒詞卷二

五

晚日寒鴉一片愁
柳塘新綠卻溫柔
若教眼底無離恨
不信人間有白頭
腸已斷淚難收
相思重上小紅樓
情知已被雲遮斷
頻倚闌干不自由

又

陌上柔桑破嫩芽
東隣蠶種已生些
平岡細草鳴黃犢
斜日寒林點暮鴉
山遠近路橫斜
青旗沽酒有人家
城中桃李愁風雨
春在溪頭薺菜花

又

撲面征塵去路遙
香篝漸覺水沈銷
山無重數週遭碧
花不知名分外嬌
人歷歷馬蕭蕭
旌旗又過小紅橋
愁邊剩有相思句
搖斷吟鞭碧玉梢

又

唱徹陽關淚未乾功名餘事且加餐
浮天水送無窮樹帶雨雲埋一半山
今古恨幾千般只今離合是悲歡
江頭未是風波惡別有人間行路難

又

鵝湖道中

一榻清風殿影涼涓涓流水響回廊
千章雲木鉤輦叫十里溪風穰穰香
衝急雨趁斜陽山園細路轉微茫
倦途卻被行人笑只爲林泉有底忙

又

鵝湖歸病起作

枕簟溪堂冷欲秋斷雲依水晚來收
紅蓮相倚渾如醉白鳥無言定自愁
書咄咄且休休一邱一壑也

稼軒詞卷三

三

風流不知筋力衰多少但覺新來懶上樓

又

指點芳尊特地開風帆莫引酒船回
方驚共折津頭柳卻喜重尋嶺上梅
催月上喚風來莫愁瓶罄恥金罍
只愁畫角樓頭起急管哀絃次第催

又

著意尋梅懶便回何如信步兩三杯
山纔好處行還倦詩未成時雨早催
攜竹杖更芒鞋朱朱粉粉野蒿開
誰家寒食歸寧女笑語柔柔陌上來

又

翠木千尋上薜蘿東湖經雨又增波
只因買得青山

好卻恨歸來白髮多
明畫燭洗金荷
主人起
高歌醉中只恨歡娛少
無奈明朝酒醒何

又

困不成眠奈夜何
情知歸未轉愁多
暗將往事思
徧誰把多情惱亂他
些底事誤人多
不成真箇
思家嬌癡卻妒香
香睡喚起醒鬆說夢些

又鄭守厚卿席上謝
余伯山用其韻

夢斷京華故倦游
只今芳草替人愁
陽關莫作三疊
唱
越女應須爲我留
看逸韻自名流
青衫司馬且
江州君家兄弟真堪笑
箇箇能修五鳳樓

又和人韻
有所贈

稼軒詞卷三

七

趁得西風汗漫游
見他歌後怎生愁
事如芳草春長
在人似浮雲影不留
眉黛斂眼波流
十年薄倖
揚州明朝短棹輕衫
夢只在溪南罨畫樓

又徐衡仲撫幹
惠琴不受

千丈陰崖百丈溪
孤桐枝上鳳偏宜
玉香落落離難
合
橫理庚庚定自奇
山谷聽摘阮歌云
立壁庚庚有橫理
人散後月
明時試彈幽憤
淚空垂不如卻付騷人
手留和南風

解慍詩

又用前韻和趙文
鼎提舉賦雪

莫上扁舟訪剡溪
淺斟低唱正相宜
從教犬吠千
白且與梅成一段奇
香暖處酒醒時
畫簷玉筍已

偷垂笑君解釋春風恨倩拂蠻牋只費詩

又重九
席上

戲馬臺前秋雁飛管絃歌舞更旌旗要知黃菊清高處不入當年二謝詩
傾白酒繞東籬只於陶令有心期明朝九日渾瀟灑莫使尊前欠一枝

又

有甚間愁可皺眉老懷無緒自傷悲百年旋逐花陰轉萬事長看鬢髮知
溪上枕竹間棋怕尋酒伴懶吟詩十分筋力誇彊健只比年時病起時

又送范先
之秋試

白芒新袍入嫩涼春蠶食葉響迴廊禹門已準桃花

稼軒詞卷三

天

浪月殿先收桂子香
鵬北海鳳朝陽又攜書劍路

茫茫明年此日青雲上卻笑人間舉子忙

又

一夜清霜變鬢絲怕愁剛把酒禁持玉人今夜相思不想見頻將翠枕移
眞箇恨未多時也應香雪減些兒菱花照面須頻記曾道偏宜淺畫眉

又送歐陽國
瑞入吳中

莫避春陰上馬遲春來未有不陰時人情輾轉間中看客路崎嶇倦後知
梅似雪柳如絲試聽別語慰相思短蓬炊飯鱸魚熟除卻松江枉費詩

又

木落山高一夜霜北風驅雁又離行無言每覺情懷
好不飲能令興味長頻聚散試思量爲誰春草夢
池塘中年長作東山恨莫遣離歌苦斷腸

又席上再用韻

水底明霞十頃光天教鋪錦襯鴛鴦最憐楊柳如張
緒御笑蓮花似六郎方竹簾小胡牀晚來消得許
多涼背人白鳥都飛去落日殘鴉更斷腸

又石門道中

山上飛泉萬斛珠懸崖千丈落颼颼已通樵徑行還
礙似有人聲聽卻無間畧約遠浮屠溪南修竹有
茅廬莫嫌杖屨頻來往此地偏宜著老夫

稼軒詞卷二

三

又敗棋罰賦梅雨

漠漠輕陰撥不開江南細雨熟黃梅有情無道東邊
日已怒重驚忽地雷雲柱礎水接臺羅衣費盡博
山灰當時一識和羹味便道爲霖消息來

又黃沙道中卽事

句裏春風正翦裁溪山一片畫圖開輕鷗自趁虛船
去荒犬還迎野婦回松共竹翠成堆要擊殘雪鬪
疎梅亂鴉畢竟無才思時把瓊瑤蹴下來

又元溪不見梅

千丈冰溪百步雷柴門都向水邊開亂雲騰帶炊煙
去野水間將日影來穿窈窕過崔嵬東林試問幾

時裁動搖意態雖多竹點綴風流卻欠梅

又戲題
村舍

雞鳴成羣晚未收桑麻長過屋山頭有何不可吾方
羨要底都無飽便休 新柳樹舊沙洲去年溪打卻
邊流自言此地生兒女不嫁余家卽聘周

又春日卽事題
毛村酒壚

春日平原蒿菜花新耕雨後落羣鴉多情白髮春無
奈晚日青帘酒易賒 閒意態細生涯牛闌西畔有
桑麻青裙縞袂誰家女去趁蠶生看外家

又睡起
卽事

水荇參差動綠波一池蛇影噤羣蛙因風野鶴飢猶
稼軒詞卷二

三

舞積雨山柅病不花 名利處戰爭多門前蠻觸日

又

石壁虛雲積漸高溪聲繞屋幾週遭自從一雨花零
落卻愛微風草動搖 呼玉友薦溪毛殷勤野老蒼
相邀杖藜忽避行人去認是翁來卻過橋

又送元濟之
歸豫章

欹枕婆娑兩鬢霜起聽簷溜碎喧江那邊玉筍銷啼
粉這裏車輪轉別腸 詩酒社水雲鄉可看醉墨幾
淋浪畫圖卻似歸家夢千里河山寸許長

又尋菊花無
有戲作

掩鼻人間臭腐腸古今惟有酒偏香自從來住雲煙
畔直到而今歌舞忙呼老伴共秋光黃花何處避
重陽要知爛熳開時節直待西風一夜霜

又席上吳子似諸友
見和再用韻答之

翰墨諸公久擅場胸中書傳許多香都無絲竹啣杯
樂卻有龍蛇落筆忙閒意思老風光酒徒今有幾
高陽黃花不怯西風冷只怕詩人兩鬢霜

又

自古高人最可嗟只因疎懶取名多居山一似庚桑
楚種樹真成郭橐駝雲子飯水晶瓜林間攜客更
烹茶君歸休矣吾忙甚要看蜂兒晚趁衙

稼軒詞卷三

三

又三山
道中

拋卻山中詩酒窠卻來官府聽笙歌閒愁做弄天來
大白髮栽培日許多新劍戟舊風波天生子懶奈
子何此身已覺渾無事卻教兒童莫恁麼

又

點盡蒼苔色欲空竹籬茅舍要詩翁花餘歌舞歡娛
外詩在經營慘澹中聽輓語笑衰容一枝斜墜翠
鬢鬆淺顰深笑誰看醉看取瀟然林下風

又用前韻賦梅三山梅開
時猶有青葉子時病齒

病繞梅花酒不空齒牙牢在莫欺翁恨無飛雪青松
畔卻放疎花翠葉中冰作骨玉爲容當年宮額鬢

雲鬆直須爛熳燒銀燭橫笛難看一夜風

又

桃李漫山過眼空也宜惱損杜陵翁若將玉骨冰姿
比李蔡爲人在下中尋驛使寄芳容瓏頭休放馬
蹄鬆吾家籬落黃昏後剩有西湖處十風

又有感

出處從來自不齊後車方載太公歸誰知寂寞空山
裏卻有高人賦采薇黃菊嫩晚香枝一般同是采
花時蜂兒辛苦多官府蝴蝶花間自在飛

又讀淵明詩不能去手戲作小詞以送之

晚歲躬耕不怨貧隻雞斗酒聚比鄰都無晉宋之間

稼軒詞卷三

三

事自是羲皇以上人千載後百篇存更無一字不
清真若教王謝諸郎在未抵柴桑陌上塵

又

髮底青青無限春殘紅飛雪漫紛紛黃花也伴秋光
老何似尊前見在身書萬卷筆如神眼看同輩上
青雲箇中不許兒童會只恐功名更過人

又戊午拜復職奉祠之命

老退何曾說著官今朝放罪上恩寬便支香火眞祠
奉更綴文書舊殿班扶病腳洗衰顏快從老病借
衣冠此身忘世渾容易使世相忘卻自難

又和趙晉臣敷文韻

綠鬢都無白髮侵
醉時拈筆越精神
愛將蕪語追前事
更把梅花比別人
回急雪過行雲
近時歌舞舊時情
君侯要識誰輕重
看取金杯幾許深

又和傅先之
提舉賦雪

泉上長吟我獨清
喜君未共雪爭明
已驚竝水鷗無色
更怪行沙蟹有聲
添爽氣動雄容
奇因六出憶陳平
卻嫌烏雀投林去
觸破當樓雲母屏

又博山寺作

不向長安路上行
卻教山寺厭逢迎
味無味處求吾樂
材不材間過此生
寧作我豈其卿
人間走徧卻歸耕
一松一竹眞朋友
山鳥山花好弟兄

稼軒詞卷三

又不寐

老病那堪歲月侵
霎時光景值千金
一生不負溪山債
百藥難醫書史淫
隨巧拙任浮沈
人無同處面如心
不妨舊事從頭記
要寫行藏入笑林

又有客慨然談功名因追念少年時事戲作

壯歲旌旗擁萬夫
錦襜突騎渡江初
燕兵夜娖_{側角切}銀胡韞
漢箭朝飛金僕姑
追往事歎今吾
春風不染白髭鬚
卻將萬字平戎策
換得東家種樹書

又祝良顯家
牡丹一本

占斷雕闌只一株
春風費盡幾工夫
天香夜染衣猶溼
國色朝酣醉未蘇
嬌欲語巧相扶
不妨老幹自

扶疎恰如翠幕高堂上來看紅衫百子圖

又賦牡丹主人以
誘花索賦解嘲

翠蓋牙籤數百株楊家姊妹夜遊初五花結隊香如
霧一朵傾城醉未蘇 聞小立困相扶夜來風雨有
情無愁紅慘綠今宵看恰似吳宮敎陣圖

又再
賦

濃紫深黃一畫圖中間更有玉盤盂先裁翡翠裝成
蓋更點胭脂染透酥 香漱灑錦糝糊主人長得醉
工夫莫攜弄玉闌邊去羞得花枝一朵無

又

去歲花枝把酒杯雪中曾見牡丹開而今純扇薰風

稼軒詞卷三

三

裏又見疎枝月下梅 歡幾許醉方回明朝歸路有

誰催低聲待向他家道帶得歌聲滿耳來

又壽吳子似縣尉
時攝事城中

上已風光好放懷故人猶未看花回茂林映帶誰家
竹曲水流傳第幾杯 攜錦繡寫瓊瑰長年富貴屬
多才要知此日生男好曾有周公被禊來

又寄葉
仲洽

是處移花是處開古今興廢幾池臺背人翠羽偷魚
去抱蘂黃鬚趁蝶來 掀老甕撥新醅客來且盡兩
三杯日高盤饌供何晚市遠魚鮓買未回

又登一邱一壑
偶成

莫嗚春光花下遊便須準備落花愁百年雨打風吹
卻萬事三平二滿休 將擾擾付悠悠此生於世百
無憂新愁次第相拋舍要伴春歸天盡頭

又和吳子似
山行韻

誰共春光管日華朱朱粉粉野蒿花間愁投老無多
子酒病而今較減些 山遠近路橫斜正無聊處管
絃譁去年醉後猶能記細數溪邊第幾家

又過峽石用韻
答吳子似

歎息頻年廩未高新詞空賀此邱遭遙知醉帽時時
落見說吟鞭步步搖 乾玉唾禿錐毛只今明月費
招邀最憐烏鵲南飛句不解風流見二喬

稼軒詞卷三

三五

又吳子似
過秋水

秋水長廓水石間有誰來共聽潺潺羨君人物東西
晉分我詩名大小山 窮自樂晚方間人間路窄酒
杯寬看君不了癡兒事又似風流靖長官

又和章泉
趙昌父

萬事紛紛一笑中淵明把菊對秋風細看爽氣今猶
在惟有南山一似翁 情未好語言工三賢高致古
來同誰知止酒停雲老獨立斜陽數過鴻

瑞鷓鴣
京口有懷
山中故人

暮年不賦短長詞和得淵明數首詩君自不歸歸甚
易今猶未足足何時 偷閒定向山中老此意須教

鶴輩知聞道只今秋水上故人曾榜北山移

又京口府中起登
連滄觀偶成

聲名少日畏人知老去行藏與願違山草舊曾呼遠
志故人今有寄當歸 何人可覓安心法有客來觀
杜德機卻笑使君那得似清江萬頃白鷗飛

又

膠膠擾擾幾時休一出山來不自由秋水觀中秋月
夜停雲堂下菊花秋 隨緣道理應須會過分功名
莫彊求先白一身愁不了那堪愁上更添愁

又乙丑奉祠歸
舟次餘干賦

江頭日日打頭風憔悴歸來那曼容鄭賈正應求死

稼軒詞卷三

三

鼠葉公豈是好真龍 孰居無事陪犀首未辨求封

遇萬松卻笑千年曹孟德夢中相對也龍鍾

又

期思溪上日干回樟木橋邊酒數杯人影不隨流水
去醉顏重帶少年來 疎蟬響澀林逾靜冷蝶飛輕
菊半開不是長卿終慢世只緣多病又非才

稼軒詞卷第四

玉樓春

席上贈別
上饒黃倅

往年巖崑堂前路路上人誇通判雨去年拄杖過瓢
泉縣吏垂頭民歎語學窺聖處文章古清到窮時
風味苦尊前老淚不成行明日送君天上去

又效白樂

天體

少年才把笙歌酸夏日非長愁夜短因他老病不相
饒把好心情都做懶故人別後書來勸乍可停杯
彊喫飯云何相見酒邊時卻道達人須飲滿

又用韻答

葉仲洽

狂歌擊碎村醪酸欲舞還憐衫袖短心如溪上釣磯
稼軒詞卷四

稼軒詞卷四

一

閒身似道旁官挨懶山中有酒提壺勸好語憐君
堪鮮飯至今有句落人間渭水秋風黃葉滿

又用韻答吳

子似縣尉

君如九醞臺粘酸我似茅柴風味短幾時秋水美人
來長恐扁舟乘興懶高懷自飲無人勸馬有青莧
奴白飯向來珠履玉簪人頗覺酒量車載滿

又

客有遊山者忘攜具而以詞來病不
往索酒用韻以答余時以病不往

山行日日妨風雨風雨晴時君不去牆頭塵滿短轆
車門外人行芳草路城南東野應聯句好記琅玕
題字處也應竹裏著行廚已向饗邊防吏部

又再

和

人間反覆成雲雨，鳧雁江湖來又去。十千一斗飲中仙，一百八盤天上路。舊時楓落吳江句，今日錦囊無著處。看封關外水雲侯，剩接山中詩酒部。

又戲賦雲山

何人半夜推山去，四面浮雲猜是汝。當時相對兩三峰，走徧溪頭無覓處。西風瞥起雲橫度，忽見東南天一柱。老僧拍手笑相夸，且喜青山依舊住。

又用韻答傅巖叟葉仲洽趙國興

青山不解乘雲去，怕有愚公驚著汝。人間踏地出租錢，借使移將無著處。三星昨夜光移度，妙語來題橋上柱。黃花不插滿頭歸，定向白雲遮且住。

稼軒詞卷四

二

又

無心雲自來還去，元共青山相爾汝。霎時迎雨障崔嵬，雨過卻尋歸路處。侵天翠竹何曾度，遙見屹然星砥柱。今朝不管亂雲深，來伴仙翁山下住。

又

瘦筇倦作登高去，卻把黃花相爾汝。嶺頭拭目望龍山，更在雲煙遮斷處。思量落帽人風度，休說當年功紀柱。謝公直是愛東山，畢竟東山留不住。

又

風前欲勸春光住，春在城南芳草路。未隨流落水邊花，且作飄零泥上絮。鏡中已有星星誤，人不負春

春自負夢回人遠許多愁只在梨花風雨處

又

三三兩兩誰家婦聽取鳴禽枝上語提壺沽酒已多
時婆餅焦時須早去醉中忘卻來時路借問行人
家住處只尋古廟那邊行更過溪南烏桕樹

又

寄題文山鄭
元英巢經樓

悠悠莫向文山去要把襟裾牛馬汝遙知書帶草邊
行正在雀羅門裏住平生插架昌黎句不似拾柴
東野苦侵天且擬鳳凰巢掃地從他鸚鵡舞

又

樂令謂衛玠人未嘗夢鴛鴦餐鐵杵乘車入
鼠穴以謂世無是事而有是理樂所謂無猶
云有也戲作
數語以明之

稼軒詞卷四

三

有無一理誰差別樂令區區猶未達事言無處未嘗
無試把所無憑理說伯夷飢采西山蕨何異搗糝
餐杵鐵仲尼去衛又之陳此是垂車穿鼠穴

又

隱湖
戲作

客來底事逢迎晚行裏鳴禽尋未見日高猶苦聖賢
心門外誰酣蠻觸戰多方爲渴泉尋徧何日成陰
松種滿不辭長向水雲來只怕頻頻魚鳥倦

又

有自九江以石作觀音
像持送者因以詞賦之

琵琶亭畔多芳草時對香爐峰一笑偶然重傍玉溪
行不是白頭誰覺老普陀大士神通妙影入石頭
光了了看來將獻可無言長似慈悲顏色好

又乙丑京口奉祠西
歸將至仙人磯

江頭一帶斜陽樹總是六朝人住處悠悠興廢不關
心惟有沙洲雙白鷺 仙人磯下多風雨好卸征帆
留不住直須抖擻盡塵埃卻趁新涼秋去

鵲橋仙

爲人慶八十
席上戲作

朱顏暈酒方瞳點漆閒傍松邊倚杖不須更展畫圖
看是箇壽星的模樣 今朝盛事一杯深勸更把新
詞齊唱人問八十最風流長貼在兒孫額上

又

和范先之送祐
之弟歸浮梁

小窗風雨從今便憶中夜笑談清軟啼鴉衰柳自無
聊更管得離人腸斷 詩書事業猶在青氈頭上貂
襟軒詞卷四

四

蟬會見莫貪風月卧江湖道日近長安路遠

又

壽徐伯
熙察院

穿冠風采繡衣聲價曾把經綸少試看看有詔日邊
來便入侍明光殿裏 東君未老花明柳媚且引玉
觥沈醉好將三萬六千場自今日從頭數起

又

己酉山行
書所見

松岡避暑茆簷避雨間去閒來幾度醉扶怪石看飛
泉又卻是前回醒處 東家娶婦西家歸女燈火門
前笑語釀成千頃稻花香夜夜費一天風露

又

慶岳母
八十

八旬慶會人間盛事齊勸一杯春釀臙脂小字點眉

間猶記得舊時宮樣
綵衣更著功名富貴直過太
公以上大家著意記新詞遇著箇十年便唱

又贈鷺鷥

溪邊白鷺來吾告汝溪裏魚兒堪數
主憐汝汝又憐魚要物我欣然一處
白沙遠浦青泥別渚剩有鰕跳
鰕舞聽君飛去飽時來看頭上風吹一縷

又席上和趙晉臣獻文

少年風月少年歌舞老去方知堪羨
歎折腰五斗賦歸來問走了羊腸幾徧
高車駟馬金章紫綬傳語渠儂穩
便問東湖帶得幾多春且看凌雲筆健

西江月

采石岸戲作漁父詞

稼軒詞卷四

五

千丈懸崖削翠一川落日鎔金
白鷗來往本無心選甚風波一任
別浦魚肥堪膾前村酒美重斟
千往事已沈沈閒管興亡則甚

又壽范南伯知縣

秀骨青松不老新詞玉佩相磨
靈槎準擬泛銀河刺摘天星幾箇
南伯去歲七月生子奠枕樓頭
風月駐春亭上笙歌留君一醉
意如何金印明年斗大

又和楊民瞻賦丹桂韻

宮粉厭塗嬌額濃妝再厭秋花
西真人醉憶仙家瓓珮丹霞羽化
十里芬芳未足一亭風露先加杏腮
桃臉費鉛華終慣秋蟾影下

又癸丑正月四日三山被召經從
建安席上和陳安行舍人韻

風月亭危致爽管絃聲脆休催主人只是舊情懷錦
瑟傍邊須醉 玉殿何曾儂去沙隄正要公來看看
紅藥又翻階趁取西湖春會

又用韻和李
兼濟提舉

且對東君痛飲莫教華髮空催瓊瑰千字已盈懷消
得津頭一醉 休唱陽關別去只今鳳詔歸來五雲
兩兩望三台已覺精神聚會

又三山
作

貪數明朝重九不知過了中秋人生有得許多愁只
有黃花如舊 萬象亭中帶酒九仙閣上扶頭城鴉

稼軒詞卷四

六

喚我醉歸休細雨斜風時候

又夜行黃
沙道中

明月別枝驚鵲清風半夜鳴蟬稻花香裏說豐年聽
取蛙聲一片 七八箇星天外兩三點雨山前舊時
茆店社林邊路轉溪橋忽見

又春
晚

牘欲讀書已懶只今多病長閒聽風聽雨小窗眠過
了春光太半 往事數尋去烏消愁難解連環流鶯
不肯入西園喚起畫梁飛燕

又木
犀

金粟如來出世藥宮仙子乘風清香一袖意無窮洗

盡塵緣千種 長爲西風作主更居明月光中十分
秋意與玲瓏拚卻今宵無夢

又壽祐之弟時
新居落成

畫棟新垂簾幕華燈未放笙歌一杯漱灑泛金波先
向大夫稱賀 富貴無應自有功名不用渠多只將
綠鬢抵義娥金印須教斗大

又遣
興

醉裏且貪歡笑要愁那得工夫近來始覺古人書信
著全無是處 昨夜松邊醉倒問松我醉何如只疑
松動要來扶以手推松曰去

又和趙晉臣敷文
賦秋水瀑泉

稼軒詞卷四

七

八萬四千偈后更誰妙語披襟紉蘭結佩有同心喚
取詩翁來飲 鑲玉裁冰著句高山流水知音胸中
不受一塵侵卻怕靈均獨醒

又悠然
閣

一柱中擎遠碧兩峰旁聳高寒橫陳削盡短長山莫
把一分增減 我望雲煙目斷人言風景天慳被公
詩筆盡追還重上層梯一覽

又示兒曹以
家事付之

萬事雲煙忽過百年蒲柳先衰而今何事最相宜宜
醉宜遊宜睡 早趁催科了納更量出入收支迺翁
依舊管些兒管竹管山管水

又

粉面都成醉夢霜，髯能幾春秋。來時送我伴牢愁，一見尊前似舊。詩在陰何側畔，字居羅趙前頭。錦囊來往幾時休，已遣蛾眉等候。

朝中措

醉歸祐之弟

藍輿嫋嫋破重岡，玉笛兩紅妝。這裏都愁酒盡，那邊正和詩忙。爲誰醉倒爲誰歸去，都莫思量。白水東邊籬落，斜陽欲下牛羊。

又

夜深殘月過山房，睡覺北窗涼。起繞中庭獨步，一天星斗文章。朝來客話山林，鍾鼎那處難忘。君向沙

稼軒詞卷四

八

頭細問白鷗，知我行藏。

又

爲人壽

年年黃菊豔，秋風更有拒霜紅。黃似舊時宮額，紅如
此日芳容。青青未老，尊前要看兒輩平戎。試釀西
江爲壽，西江綠水無窮。

又

年年金蘂豔，西風人與菊花同。霜鬢經春重，綠仙姿
不飲長紅。焚香度日，儘從容笑語，調兒童一歲一
杯爲壽。從今更數千鍾。

又

九日小集時楊世長將赴南宮

年年團扇怨秋風，愁絕玉杯空。山下卧龍丰度，臺前

戲馬英雄 而今休也花殘一似人老花同莫怪東
籬韻減只今丹桂香濃

清平樂 博山道中卽事

柳邊飛鞚霧溼征衣重宿鷺窺沙孤影動應有魚鰕
入夢 一川明月疎星浣沙人影娉婷笑背行人歸
去門前稚子啼聲

又

茅簷低小溪上青青草醉裏吳音相媚好白髮誰家
翁媪 大兒鋤豆溪東中兒正織雞籠最喜小兒亡
賴溪頭看剝蓮蓬

又 獨宿博山王氏庵

稼軒詞卷四

九

繞牀飢鼠蝙蝠翻燈舞屋上松風吹急雨破紙窗間
自語 平生塞北江南歸來華髮蒼顏布被秋宵夢
覺眼前萬里江山

又 檢校山園書所見

連雲松竹萬事從今足拄杖東家分社肉白酒牀頭
初熟 西風梨棗山園兒童偷把長竿莫遣旁人
去老夫靜處閒看

又

斷崖松竹竹裏藏冰玉路轉清溪三百曲香滿黃
雪屋 行人繫馬疎籬折殘猶有高枝留得東風數
點只緣嬌嫩春遲

又爲兒鐺

柱作

靈皇醮罷福祿都來也試引鷓鴣花樹下
怕怕 從今日日聰明更有潭妹嵩兄看取辛家鐵
柱無災無難公卿

又木

屏

月明秋曉翠蓋團團好碎翦黃金敷恁小都著
遮了 打來休似年時小窗能有高低無頓許
處只消三兩枝兒

又再

賦

東園向曉陣陣西風好喚起仙人金小小翠羽玲瓏
裝了 一枝枕畔開時羅幃翠幕垂低恁地十分遮

稼軒詞卷四

十

護打窗早有蜂兒

又憶吳江

賞木犀

少年痛飲憶向吳江醒明月團團高樹影十里水沈
煙冷 大都一點宮黃人間直恁芬芳怕是秋天風
露染教世界都香

又壽信守

王道夫

此身長健還卻功名願枉讀平生三萬卷滿酌金杯
聽勸 男兒玉帶金魚能消幾許詩書料得金宵醉
也兩行紅袖爭扶

又壽趙民則提刑時

斬除且素不喜飲

詩書萬卷合上明光殿案上文書看來徧眉裏陰功

早見十分竹瘦松堅看君自是長年若解尊前痛
飲精神便是神仙

又題上
盧橋

清泉奔快不管青山礙十里盤盤平世界更著溪山
襟帶古今陵谷茫茫市朝往往耕桑此地居然形
勝似曾小小興亡

又

清詞索笑莫厭銀杯小應是天孫新與巧翦恨栽愁
句好有人夢斷關河小窗日飲亡何想見重簾不
捲淚痕滴盡湘娥

又呈趙昌甫時僕以病止酒
昌甫作詩數篇未及之

稼軒詞卷四

十一

雲煙草樹山北山南雨溪上行人相背去惟有啼鴉
一處門前萬斛春寒梅花可睨摧殘使我長忘酒
易要君不作詩難

又書王德由
主簿扇

溪回沙淺紅杏都開巨鷗鷗不知春水暖猶傍垂楊
春岸片帆千里輕帆行人想見欷眠誰似先生高
舉一行白鷺青天

好事近

中秋席上
和王路給

明月到今宵長是不加人約想見廣寒宮殿正雲梳
風掠夜深休更喚笙歌簷頭雨聲惡不是小山詞
就這一場寥索

又送李復州致
一席上和韻

和淚唱陽關依舊字
嬌聲穩回首長安何處怕行人
歸晚垂楊折盡只啼鴉
把離愁勾引卻笑遠山無
數被行雲低損

又席上和王道大
賦元夕立春

綵勝鬪華燈平把東風吹卻喚取雪中明月伴使君
行樂紅旗鐵馬響春冰老去此情薄惟有前村梅
在倩一枝隨著

又和城中
諸友韻

雲氣上林梢畢竟非空非色風景不隨人去到而今
留得老無情味到篇章詩債怕人索卻喜近來林

稼軒詞卷四

三

下有許多詞客

菩薩蠻金陵賞心亭
爲葉丞相賦

青山欲共高人語
聯翩萬馬來無數
煙雨卻低回
望來終不來
人言頭上髮
總向愁中白
拍手笑沙鷗
一身都是愁

又用前
韻

錦書誰寄相思語
天邊數徧飛鴻數
一夜夢千回
悔花入夢來
漲痕紛樹髮
霜落瀟湘白
心事莫驚鷗
人間千萬愁

又

江山病眼昏如霧
送愁直到津頭路
歸念樂天詩人

生足別離 雲屏深夜語夢到君知否玉筋莫偷垂
斷腸天不知

又書江西
造口壁

鬱孤臺下清江水中問多少行人淚西北是長安可
憐無數山 青山遮不住畢竟東流去江晚正愁余
山深聞鷓鴣

又

西風都是行人恨馬頭漸喜歸期近試上小紅樓飛
鴻字字愁 闌干閒倚處一帶山無數不似遠山橫
秋波相共明

又

稼軒詞卷四

三

功名飽聽兒童說看公兩眼明如月萬里勒燕然老
人書一編 玉階方寸地好趁風雲會他日赤松游
依然萬戶侯

又送祐之弟
歸浮梁

無情最是江頭柳長條折盡還依舊木葉下平湖雁
來書有無 雁無書尙可好語憑誰和風雨斷腸時
小山生桂枝

又送鄭守厚
卿赴闕

送君直上金鑾殿情知不久須相見一日甚三秋愁
來不自由 九重天一笑定是留中了白髮少經過
此時愁奈何

又送曹君
之莊所

人間歲月堂堂去勸君快上青雲路堅處一登傳工
夫螢雪邊麴生風味惡辜負西窗約沙岸一川開
寄書無雁來

又席上分賦
得櫻桃

香浮乳酪玻璃盃年年醉裏嘗新慣何物比春風
鬢一點紅江湖清夢斷翠籠明光殿萬顆瀉輕勻
低頭愧野人

又賦摘

阮琴斜挂香羅綬玉織初試琵琶手桐葉雨聲乾珍
珠落玉盤朱絃調未慣笑倩東風伴莫作別離聲
稼軒詞卷四

七

且聽雙鳳鳴

又雪樓賞牡丹席
上用楊民瞻韻

紅芽籤上羣仙客翠羅蓋底傾城色和雨淚闌干沈
香亭北看東風休放去怕有流鶯訴試問賞花人
曉妝勻未勻

又和盧國
華提刑

旌旗依舊長亭路尊前試點鶯花數何處捧心顰人
間別樣春功名君自許少日聞雞舞詩句到梅花
春風十萬家

卜算子
尋春

脩竹翠蘿寒遲日江山暮幽徑無人獨自芳此恨知

無數 只共梅花語懶逐遊絲去著意尋春不肯香
香在無尋處

又爲人賦
荷花

紅粉靚梳妝翠蓋低風雨占斷人間六月涼明月鴛
鴦浦 根底藕絲長花裏蓮心苦只爲風流有許愁
更襯佳人步

又聞李正之
茶馬詩音

欲行且起行欲坐重來坐坐行行有倦時更枕閒
書臥 病是近來身懶是從前我淨掃瓢泉竹樹陰
且恁隨緣過

又飲
酒

稼軒詞卷四

十五

盜跖儻名丘孔子如名跖聖丘愚直到今美口口
口口 簡策寫虛名螻蟻侵枯骨千古光陰一霎時
且進杯中物

又用莊
語

一以我爲牛一以我爲馬入與之名受不辭善學莊
周者 江海任虛舟風雨從飄瓦醉者乘車墜不傷
全得於天也

又漫
興

夜雨醉瓜廬春水行秧馬點檢田間快活人未有如
翁者 掃禿免毫錐磨透銅臺瓦誰伴楊雄作解嘲
烏有先生也

又

珠玉作泥沙山谷量牛馬試上纍纍邱壘看誰是墮
梁者水浸淺深簷山壓高低瓦山水朝來笑問人
翁早歸來也

又

漢代李將軍奪得胡兒馬李蔡爲人在下中卻是封
侯者芸草去陳根篔竹添新瓦萬一朝廷舉力田
舍我其誰也

又

用韻答趙晉臣敷文趙
有真得歸方是閒堂

百郡怯登車千里輸流馬乞得膠膠擾擾身卻笑區
區者野水玉鳴渠急兩珠跳瓦一榻清風方是閒

稼軒詞卷四

六

真是歸來也

又

萬里只浮雲一噴空凡馬歎息曹瞞老驥詩伏櫪如
公者山鳥哢窺簷野鼠飢翻瓦老我癡頑合住山
此地菟裘也

又

齒齒
落

剛者不堅牢柔的難摧挫不信張開口角看舌在牙
先墮已闕兩邊廂又豁中間箇說與兒曹莫笑翁
狗竇從君過

又

飲酒
成病

一箇去學仙一箇去學佛仙飲千杯醉似泥皮骨如

金石 不飲便康彊佛壽須千百八十餘年入涅槃
且進杯中物

又飲酒不
寫書

一飲動連宵一醉長三日廢盡寒溫不寫書富貴何
由得請看塚中人塚似當時筆萬札千言只恁休
且進杯中物

醜奴兒

醉中有歌此詩以
勸酒者聊隳括之

晚來雲淡秋光薄落日晴天落日晴天堂上風斜畫
燭煙從渠去買人間恨字字都圓字字都圓腸斷
西風十四絃

又

稼軒詞卷四

七

尋常中酒扶頭後歌舞支持歌舞支持誰把新詞喚
住伊 臨岐也有旁人笑笑已爭知笑已爭知明月
樓空燕子飛

又書博山
道中壁

煙蕪露芰荒池柳洗雨烘晴洗雨烘晴一樣春風幾
樣青 提壺脫袴催歸去萬恨千情萬恨千情各自
無聊各自鳴

又

此生自斷天休問獨倚危樓獨倚危樓不信人間別
有愁 君來正是眠時節君且歸休君且歸休說與
西風一任秋

又

少年不識愁滋味愛上層樓愛上層樓爲賦新詞彊
說愁而今識盡愁滋味欲說還休欲說還休卻道
天涼好箇秋

又

近來愁似天來大誰解相憐誰解相憐又把愁來做
箇天都將今古無窮事放在愁邊放在愁邊卻自
移家向酒泉

又和鉛山陳
簿韻二首

鵝湖山下長亭路明月臨關明月臨關幾陣西風落
葉乾新詞誰解裁冰雪筆墨生寒筆墨生寒會說

稼軒詞卷四

六

離愁千萬般

又

年年索盡梅花笑疎影黃昏疎影黃昏香滿東風月
一痕清詩冷落無人寄雪豔冰魂雪豔冰魂浮玉
溪頭煙樹村

浣溪紗漫興
作

未到山前騎馬回風吹雨打已無梅共誰消遣兩三
杯一似舊時春意思百無事處老形骸也曾頭上

戴花來

又黃沙
嶺

寸步人間百十樓孤城春水一沙鷗天風吹樹幾時

休突兀趁人山石狼臙臙避路野花羞人家平水
廟東頭

又壽內子

壽酒同斟喜有餘朱顏卻對白髭鬚兩人百歲恰乘
除婚嫁剩添兒女拜平安頻拆外家書年年堂上
壽星圖

又瓢泉偶作

新葺茆簷次第成青山恰對小窗橫去年曾共燕經
營病卻杯盤甘止酒老依香火苦翻經夜來依舊
管絃聲

又壬子春赴閩別瓢泉

稼軒詞卷四

五

細聽春山杜宇啼一聲聲是送行詩朝來白鳥背人
飛對鄭子眞巖石卧赴陶元亮菊花期而今堪誦
北山移

又常山道中卽事

北隴田高踏水頻西溪禾早已嘗新隔牆沽酒煮糲
鱗忽有微涼何處雨更無留影霎時雲賣瓜人過
竹邊村

又偕杜叔高吳子似宿山寺戲作

花向今朝粉面勻柳因何事翠眉顰東風吹雨細於
塵自笑好山如好色只今懷樹更懷人間愁聞恨
一翻新

又

歌串如珠箇箇勻
被花勾引笑和顰
向來驚動畫梁塵
莫倚笙歌多樂事
相看紅紫又拋人
舊巢還有燕泥新

又

父老爭言雨水勻
眉頭不似去年顰
殷勤謝卻顰中塵
啼鳥有時能勸客
小桃無賴已撩人
梨花也作白頭新

又別杜叔高

這裏栽詩話
別離那邊應是望
歸期人言心急馬行遲
去雁無憑傳錦字
春泥抵死汗人衣
海棠過了

稼軒詞卷四

三

有茶蘼

又席上趙景山提幹賦溪臺和韻

臺倚崩崖玉滅痕
青山卻作捧心顰
遠林煙火幾家村
引入滄浪魚得計
展成寥闊鶴能言
幾時高處見層軒

又

妙手都無斧鑿痕
飽參佳處卻成顰
恰如春入浣花村
筆墨今宵光有豔
管絃從此悄無言
主人席次兩眉軒

又種松未成

草木於人也作疎
秋來咫尺異榮枯
空山歲晚孰華

余孤竹君窮猶抱節赤松子懶已生鬢主人相愛肯留無

又種梅菊

百世孤芳肯自媒直須詩句與推排不然喚起酒邊來自有陶潛方有菊若無和靖卽無梅祇今何處向人開

又別澄上人併送性禪師

梅子生時到幾回桃花開後不須猜重來松竹意徘徊慣聽禽聲應可諳飽觀魚陣已能排晚風挾雨喚歸來

山花子 答傅巖叟酬春之約

稼軒詞卷四

三

豔杏夭桃兩行排莫攜歌舞去相催次第未堪供醉眼去年栽春意纔從梅裏過人情都向柳邊來咫尺東家還又有海棠開

又用韻謝傅巖叟瑞香之惠

句裏明珠字字排多情應也被春催怪得名花和淚送雨中栽赤腳未安芳斛穩娥眉早把橘枝來報道錦薰籠底下麝臍開

又三山戲作

記得瓢泉快活時長年耽酒更吟詩鷓鴣地捉將來斷送老頭皮繞屋人扶行不得閒窗學得鷓鴣啼卻有杜鵑能勸道不如歸

又

日日間看燕子飛舊巢新墨畫簾低玉照今朝推戊
已卻啣泥 先自春光留不住那看更著子規啼一
陣晚香吹不斷落花溪

又

與客賞山茶一
及忽墮地戲作

酒面低迷翠被重黃昏院落月朦朧墮髻啼妝孫壽
醉泥秦宮 試問花留春幾日畧無人管雨和風瞥
向綠珠樓下見墜殘紅

又

籀傳
巖叟

總把平生入醉鄉大都三萬六千場今古悠悠多少
事莫思量 微有些寒春雨好更無尋處野花香年

稼軒詞卷四

三

去年來還又笑燕飛忙

又

用前韻謝傅巖
叟餽名花鮮草

楊柳溫柔是故鄉紛紛蜂蝶去年場大率一春風雨
事最難量 滿把攜來紅粉面堆盤更覺紫芝香幸

自麪生閒去了又教忙

纒止
酒

又

病起獨
坐停雲

疆欲加餐竟未佳只宜長伴病僧齋心似風吹香篆
過也無灰 山下朝來雲出岫隨風一去未曾回次
第前村行雨了合歸來

虞美人

賦茶
蘼

羣花泣盡朝來露爭奈春歸去不知庭下有茶蘼偷

得十分春色怕春知 淡中有味清中貴飛絮殘紅
避露華微浸玉肌香恰似楊妃初試出蘭湯

又詩趙文
鼎提舉

翠屏羅幕遮前後舞袖翻長壽紫髯冠佩御爐香看
取明年歸奉萬年觴 今宵池上蟠桃席咫尺長安
日寶煙飛焰萬花濃試看中間白鶴駕仙風

又用前
韻

一杯莫落他人後富貴功名壽胸中書傳有餘香寫
得蘭亭小字記流觴 問誰分我漁樵席江海消閒
日看看天上拜恩濃卻怕畫樓無處著春風

又賦虞美
人草

稼軒詞卷四

三

當年得意如芳草日日春風好拔山力盡忽悲歌飲
罷虞兮從此奈君何 人間不識精誠苦貪看青青
舞驀然斂袂卻亭亭怕是曲中猶帶楚歌聲

浪淘沙

山寺夜
半聞鐘

身世酒杯中萬事皆空古來三五箇英雄雨打風吹
何處是漢殿秦宮 夢入少年叢歌舞匆匆老僧夜
半誤鳴鐘驚起西窗眠不得捲地西風

又賦虞美
人草

不肯過江東玉帳匆匆只今草木憶英雄唱著虞兮
當日曲便舞春風 兒女此情同往事朦朧湘娥竹
上淚痕濃舜目重瞳堪痛恨羽又重瞳

又送吳子
似縣尉

金玉舊情懷
風月追陪扁舟千里興
佳哉不似子猷
行半路卻棹船回
來歲菊花開
記我清杯西風雁
過鎖山臺
把似倩他書不到
好與同來

減字木蘭花
宿僧房
有作

僧窗夜雨茶鼎熏
爐宜小住卻恨春風勾引詩來惱
殺翁
狂歌未可且把一尊料理我
我到亡何卻聽
農家陌上歌

又

昨朝官告一
百五年村父老
更莫驚疑剛道人生七十稀
使君喜見恰限華堂開壽宴
問壽如何百代

稼軒詞卷四

三

兒孫擁太婆

又
長沙道中壁上有婦人題
字若有恨者用其意爲賦

盈盈淚眼往日青樓
天樣遠
秋月春花輸與尋常姊
妹家
水村山驛日暮行雲無氣力
錦字偷裁立盡
西風雁不來

南歌子
山中
夜坐

世事從頭減
秋懷徹底清
夜深猶送枕邊聲
試問清溪底事未能平
月到愁邊白
雞先遠處鳴
是中無利和名
因甚山前未曉有人行

又
獨坐
蔗庵

玄入參同契
禪依不二門
細看斜日隙中塵
始覺人

閒何處不紛紛 病笑春先到閒知懶是真百般啼
鳥苦撩人除卻提壺此外不堪聞

又新開池
戲作

散髮披襟處浮瓜沈李時涓涓流水細侵階鑿箇池
兒喚箇月兒來 畫棟頻搖動紅蕖盡倒開闔闔
粉照香腮有箇人人把箇鏡兒猜

醉太平
春景

態濃意遠眉顰笑淺薄羅衣窄絮風軟鬢雲欺翠捲
南園花樹春光暖香徑裏榆錢滿欲上鞦韆又驚
懶且歸休怕晚

漁家傲

爲余伯熙察院壽信之讖云水打烏龜
石三台出此時伯熙舊居城西直龜山

稼軒詞卷四

三五

之北溪水齧山足矣意伯熙當之耶伯熙學
道有新功一日語余云溪上嘗得異石有文
隱然如記姓名且有長生等字余未之
見也因其生朝姑摭二事爲詞以壽之

道德文章傳幾世到君合上三台位自是君家門戶
事當此際龜山正抱西江水 三萬六千排日醉鬢
毛只恁青青地江裏石頭爭獻瑞分明是中間有箇
長生字

錦帳春

杜叔高
席上

春色難留酒杯常淺更舊恨新愁相問五更風千里
夢看飛紅幾片這般庭院 幾許風流幾般嬌懶問
相見何如不見燕飛忙鶯語亂恨重簾不捲翠屏平
遠

太常引

建康中秋夜
爲呂潛叔賦

一輪秋影轉金波
飛鏡又重磨
把酒問姮娥
被白髮欺人奈何
乘風好去
長空萬里直下看山河
斫去桂婆娑
人道是清光更多

又

壽韓南澗尚書

君王著意履聲間
便合押紫宸
班今代又尊韓
道吏部文章泰山
一杯千歲問公何事
早伴赤松間
功業後來看似江左
風流謝安

又

賦十
四絃

仙機似欲織羅髟
鬢度金梭
無奈玉纖何
卻彈作清商恨多
朱簾影裏如花半面
絕勝隔簾歌世路

稼軒詞卷四

三

苦風波且痛飲公無渡河

又

壽趙晉臣敷文

論公耆德舊宗英
吳季子百餘齡
奉使老於行
更看舞聽歌最精
須同衛武九十八
相慕竹自青青
富貴出長生
記門外清溪姓彭
彭溪晉臣居也

東坡引

閩怨

玉纖彈舊怨
還敲繡屏面
清歌自送西風雁
雁行吹字斷
雁行吹字斷
夜深拜半月
瑣窗西畔但桂影
空階滿翠帷
自掩無人見
羅衣寬一半
羅衣寬一半

又

君如梁上燕
妾如手中扇
團團青影雙雙伴
秋來腸

欲斷秋來腸欲斷 黃昏淚眼青山隔岸但咫尺如
天遠病來只謝旁人勸龍華三會願龍華三會願

又

花稍紅未足條破驚新綠重簾下徧闌干曲有人春
睡熟有人春睡熟 鳴禽破夢雲偏目蹙起來香腮
褪紅玉花時愛與愁相續羅裙過半幅羅裙過半幅

夜遊宮

苦俗
客

幾箇相知可喜才厮見說山說水顛倒爛熟只這是
怎奈何一回說一回美 有箇尖新底說底話非名
非利說的口乾罪過你且不罪俺畧起去洗耳

戀繡衾

無
題

稼軒詞卷四

七

長夜偏冷添被兒枕頭兒移了又移我自是笑別人
底卻元來當局者迷 如今只恨因緣淺也不會抵
死恨伊合手下安排了那筵席須有散時

杏花天

無
題

病來自是於春懶但別院笙歌一片蛛絲網徧玻璃
盞更問舞裙歌扇 有多少鶯愁蝶怨甚夢裏春歸
不管楊花也笑人情淺故故沾衣撲面

又

牡丹昨夜方開徧畢竟是今年春晚茶蘼付與
管燕子忙時鶯懶 多病起日長人倦不待得酒闌
歌散甫能得見茶甌面卻早安排腸斷

又嘲牡丹

牡丹比得誰顏色似宮中太真第一漁陽鼙鼓邊風
急人在沈香亭北買栽池館多何益莫虛把千金
拋擲若教解語應傾國一箇西施也得

唐河傳

傲花
閨體

春水千里孤舟浪起夢攜西子覺來村巷夕陽斜幾
家短牆紅杏花晚雲做造些兒雨折花去岸上誰
家女太顛狂那邊柳線被風吹上天

醉花陰

爲人
壽

黃花漫說年年好也趁秋光老綠鬢不驚秋若鬪尊
前人好花堪笑蟠桃結子知多少家住三山島何
日跨飛鸞滄海飛塵人世因緣了

稼軒詞卷四

三

日跨飛鸞滄海飛塵人世因緣了

品令

族姑慶八十
來索俳語

更休說便是箇住世觀音菩薩甚今年容貌八十歲
見底道纔十八莫獻壽星香燭莫祝靈椿龜鶴只
消得把筆輕輕去十字上添一撇

惜分飛

春
思

翡翠樓前芳草路寶馬墜鞭暫駐最是周郎顧幾度
歌聲誤望斷碧雲空日暮流水桃源何處聞道春
歸去更無人管飄紅雨

柳梢青

和范先之席
上賦牡丹

姚魏名流年年攬斷雨恨風愁解釋春光剩須破費

酒令詩籌 玉肌紅粉温柔更染盡天香未休今夜
簪花他年第一玉殿東頭

又三山歸途代
白鷗見嘲

白鳥相迎相憐相笑滿面塵埃華髮蒼顏去時曾勸
聞早歸來 而今豈是高懷爲千里蓴羹計哉好把
移文從今日日讀取千回

又辛酉生日前兩日夢一道士話長年之
術夢中痛以理折之覺而賦入難之辭

莫鍊丹難黃河可塞金可成難休辟穀難吸風飲露
長忍飢難 勸君莫遠遊難何處有西王母難休采
藥難人沈下土我上天難

河瀆神 女城祠効
花間體

稼軒詞卷四

五

芳草綠萋萋斷腸絕浦相思山頭人望翠雲旗蕙肴
桂酒君歸 惆悵畫簷雙燕舞東風吹散靈雲香火
冷淺簫鼓斜陽門外今古

武陵春 興春

桃李風前多嫵媚楊柳更温柔喚取笙歌爛熳遊且
莫管閒愁 好趁晴時連夜賞雨便一春休草草杯
盤不要收纔晚又扶頭

又

走去走來三百里五日以爲期六日歸時已是疑應
是望多時 鞭筒馬兒歸去也心急馬行遲不免相
煩喜鵲兒先報那人知

謁金門

無題

遮索月雲外金蠅明滅翻樹啼鴉聲未徹雨聲驚落
葉寶炬成行嫌熱玉腕藕絲誰雪流水高山絃斷
絕怒蛙聲自咽

又

山吐月畫燭從教風滅一曲瑤琴纔聽徹金蕉三兩
葉驟雨微涼還熱似欠舞瓊歌雪近日醉鄉音問
絕有時清淚咽

又

歸去未風雨送春行李一枕離愁頭徹尾如何消遣
是遙想歸舟天際綠鬢瓏璵慵理好夢未成鶯喚

稼軒詞卷四

三

起粉香猶有殢

酒泉子

無題

流水無情潮到空城頭盡白離歌一曲怨殘陽斷腸
人東風官柳舞雕牆三十六宮花濺淚春聲何處
說興亡燕雙雙

霜天曉角

旅興

吳頭楚尾一棹人千里休說舊愁新恨長亭今如此
宦游吾倦矣玉人留我醉明日落花寒食得且住
爲佳耳

又

暮山層碧掠岸西風急一葉輾紅深處不是利名客

玉人還伫立綠窗生怨泣萬里衡陽歸恨先倩雁
寄消息

點絳脣

留博山寺聞光風主人
微恙而歸時春漲斷橋

隱隱輕雷雨聲不受春回護落梅如許吹盡牆邊去
春水無情礙斷溪南路憑誰訴寄聲傳語沒箇人
知處

又

身後虛名古來不換生前醉青鞋自喜不踏長安市
竹外僧歸路指霜鐘寺孤鴻起丹青手裏翦破松

江水

生查子

山行寄
楊民瞻

稼軒詞卷四

三

昨夜醉裏行山吐三更月不見可憐人一夜頭如雪
今宵醉裏歸明月關山笛收拾錦囊詩要寄楊雄
宅

又 民瞻見和
再用韻

誰傾滄海珠簫弄千明月喚取酒邊來輒語栽春雪
人間無鳳凰空費穿雲笛醉裏卻歸來松菊陶潛
宅

又 有貧詞
者爲賦

去年燕子來繡戶深深處花徑得泥歸都把琴書汗
今年燕子來誰聽呢喃語不見捲簾人一陣黃昏
雨

又獨遊
西巖

溪邊照影行天在清溪底天上有行雲人在行雲裏
高歌誰和余空谷清音起非鬼亦非仙一曲桃花
水

又

青山招不來偃蹇誰憐汝歲晚太寒生喚我溪邊住
山頭明月來本在天高處夜夜入清溪聽讀離騷
去

又

青山非不佳未解留儂住赤腳踏層冰爲愛青溪故
朝來山鳥啼勸上山高處裁意不關渠自在尋詩

稼軒詞卷四

三

去

又簡吳子
似縣尉

高人千丈崖太古儲冰雪六月火雲時一見森毛髮
俗人如盜泉照影成昏濁高處掛吾瓢不飲吾寧

渴

又和趙晉臣
戴文春雪

浸天春雪來纔抵梅花半最愛雪邊人此此裁成亂
雪兒偏解歌只要金杯滿誰道雪天寒翠袖闌干
暖

又

梅子褪花時直與黃梅接煙雨幾曾開一春江裏活

富貴使人忙也有閒時節莫作路旁花長教人看殺

又題京口郡治塵表亭

悠悠萬世功在在當年苦魚自入深淵人自居平土紅日又西沈白浪長東去不是望金山我自思量

禹

尋芳草

嘲陳辛叟憶內

有得許多淚更閒卻許多駕被枕頭兒放處都不是舊家時怎生睡更也沒書來那堪被雁兒調戲道無書卻有書中意排幾箇人人字

阮郎歸

來陽道中爲張處父推官賦

稼軒詞卷四

三

山前燈火欲黃昏山頭來去雲鷓鴣聲裏數家村瀟湘逢故人揮羽扇整綸巾少年鞍馬塵如今憔悴賦招魂儒冠多誤身

昭君怨

豫章寄張守定叟

長記瀟湘秋晚歌舞橘洲人散走馬月明中折芙蓉今日西山南浦畫棟朱簾雲雨風景不爭多奈愁

何

又送晁楚老遊荆門

夜雨翦殘春韭明日重斟別酒君去問曹瞞好公安試看如今白髮卻爲中年離別風雨正崔嵬早歸來

又

人面不如花面花到開時重見獨倚小闌干許多
落花西風時候人共青山都瘦說到夢陽臺幾會
來

烏夜啼

山行約范先之不至

江頭醉倒山公月明中記得昨宵歸路笑兒童
欲轉山已斷兩三松一段可憐風月欠詩翁

又

先之見和復用韻

人言我不如公酒杯中更把平生湖海問兒童
尺蔓雲葉亂繫長松卻笑一身纏繞似衰翁

又

稼軒詞卷四

三

晚花露葉風條燕燕高行過長廊西畔小紅橋
再唱人再舞酒纔消更把一杯重勸摘櫻桃

一絡索

閨思

羞見鑑鸞孤卻倩人梳掠一春長是為花愁甚夜夜
東風惡行繞翠簾珠箔錦牋誰記玉觴淚滿卻停
觴怕酒似郎情薄

又

信守王道夫席上用達夫賦金林檎韻

錦帳如雲處高不知重數夜深銀燭淚成行算都把
心期付莫待燕飛泥汗問花花訴不知花定有情
無似卻怕新詞妬

如夢令

賦梁燕

燕子幾曾歸去只在翠巖深處重到畫梁間誰與舊
巢爲主深許深許聞道鳳凰來住

憶王孫

秋江送別
集古句

登山流水送將歸悲莫悲兮生別離不用登臨怨落
暉昔人非惟有年年秋雁飛

稼軒詞卷四

三

稼軒詞卷第四終

蔡元工於詞靖康中陷虜庭稼軒以詩詞謁見蔡曰
子之詩則未也他日當以詞名家故稼軒晚年來卜
築奇獅專工長短句累五百首有奇但詞家爭鬪穢
織而稼軒率多撫時感事之作磊落英多絕不作妮
子態宋人以東坡爲詞詩稼軒爲詞論善評也古虞
毛晉記

稼軒詞跋

10392

